

## **Pregled projekata RC Sarajevo u 2014.**

### **Koncert Interkulturalnog zbora mladih Visoko i Kamernog zbora mladih pri Singschule Liebfrauenkirche Koblenz**

U petak 25.04.2014. godine u dvorani BKC-a Sarajevo održan je koncert Interkulturalnog zbora mladih Visoko i Kamernog zbora mladih pri Singschule Liebfrauenkirche Koblenz uz pratnju orkestra Bellarte iz Sarajeva.



Koncertu je prisustvovalo više od 600 posjetilaca, koji su imali priliku da uživaju u predivnoj izvedbi dvaju zborova djela *The Armed Man – A Mass for Peace* od Karla Jenkinsa.

Izvedeno djelo Karl Jenkinsa komponirano je u vrijeme ratnih sukoba na Balkanu 1990-ih, posvećeno je preživjelima u ratu na Kosovu i objedinjuje u sebi različite glazbene stilove i religiozne motive kršćanstva, islama, budizma, hinduizma i židovstva, kao i tekstove svjetskih književnika Johna Drydena, Rudyarda Kiplinga, Jonathana Swifta i drugih. Zajednički rad na ovom djelu pojačava s jedne strane osjećaj za zajedništvo mladih iz različitih kultura i zemalja, a s druge strane pospješuje njihov glazbeni talent. Stoga ovo djelo i izvođačima i slušateljima nudi idealnu podlogu za ozbiljno suočavanje s temom interkulturalnosti šaljući rječitu i snažnu poruku mira.

Ovaj interkulturalni projekt sufinanciran je od strane Rotary Club Koblenz Deutsches-Eck, Rotary Club Sarajevo i Rotary International.

## Obuka mladih nezaposlenih osoba za tržište rada

Rotary Club Sarajevo je u saradnji sa Rotary Club-om Torino East i RODOM – Udruženje za istraživanje i organizacioni razvoj, realizovao projekat “Obuka mladih nezaposlenih osoba za tržište rada”. Obuku su pohađjala 24 polaznika do 30 godina starosti iz Kantona Sarajevo.



Težište edukacije se odnosilo na informacione tehnologije po ECDL standardima, socijalne vještine, poslovne vještine po Xpert PBS standardima i Engleskog jezika po Cambridge programu. Pored navedenog kontinuirano se radilo na motivaciji i samopouzdanju polaznika.

Vrijednost Projekta je 16.847 KM. Edukacija je počela 02.12.2013. godine i trajala do 28.04.2014. godine. U toku procesa edukacije radni angažman je dobilo 9 osoba.

Svečana ceremonija dodjele Certifikata održana je 28.04.2014. godine u prostorijama Rode. Ispred Rotary kluba Torino East prisustvovao je Predsjednik Rotary kluba Giuseppe Perla i Enrico Raiteri Guverner Distrikta za 2016-17 godinu, kao i predstavnici Rotary kluba Sarajevo i Rode.

Rotary prijatelji iz Rotary kluba Torino East izrazili su veliko zadovoljstvo realizacijom Projekta, zahvalili se Rotary klubu Sarajevo i RODI i predložili nastavak projekta sa većim sredstvima.

## Čišćenje korita Rijeke Miljacke



10. i 11. maja 2014. godine Rotary Club Sarajevo u saradnji sa [Northampton Rotary Club](#), [Rotaract Club-om Sarajevo](#) i [Interact Club-om Sarajevo](#) organizovao je čišćenje korita rijeke Miljacke na šetalištu Dariva. Podršku projektu su dali i KJKP Park, JKJP RAD i HISE d.o.o.

## Terapeutsko jahanje za djecu iz Dječijeg doma Bjelave Sarajevo

Jedanaest štićenika Dječijeg doma Bjelave je u periodu od juna do jula 2013. godine učestvovalo u programu Terapeutskog jahanja, donacijom RC Grand Cayman Central i saradnjom sa RC Sarajevo. Impementator projekta je Udruženje „Jahači nade“. Planiran je nastavak ovog rojekta i za 2014. i 2015. godinu.





## Pomoć stanovništvu poplavljenih područja u Bosni i Hercegovini

Za vrijeme poplava u maju 2014. godine, RC Sarajevo je sa klubovima iz BH i Distrikta pokrenuo i uključio se u akciju pomoći ugroženom stanovništvu u poplavljenim područjima u Sarajevu, Maglaju, Olovu i drugim krajevima Bosne i Hercegovine. Prilikom ove akcije težište je stavljeno na nabavku i dostavu pumpi za ispumpavanje vode, isušivača za vlagu, mreža za komarce i izrade namještaja za stradala domaćinstva.

Kinderarche (Udruženje Mali princ) u Sarajevu (Ilidža – Doglodi) je među prvim dobilo **pumpu za ispumpavanje vode** na korištenje (fotografije ispod).



Ukupno **60 isušivača vlage** stiglo je u BiH preko RC Sarajevo. Dio isušivači je iz Sarajeva dopremljen i aktiviran na području Olova, Maglaja i Zavidovića. Najveći dio isušivača je distribuiran RC Club-ovima u BiH: RC Lukavac, RC Banja Luka, RC Doboje, RC Srebrenica, RC Banja Luka Gloria, RC Tuzla '99, RC Bijeljina, RC Bijeljina, RC Brčko i RC Tuzla.



Rotary Club Sarajevo omogućio donaciju od britanske organizacije ShelterBox ([www.shelterbox.org](http://www.shelterbox.org)) kao pomoć stanovništvu poplavljenih područja u vidu 1500 mreža protiv komaraca. Mreže su distribuirane lokalnom stanovništvu preko Doma zdravlja u Orašju.



Kao vid pomoći poplavljenim područjima RC Sarajevo je omogućio izradu i **opremanje domaćinstava najnužnijim namještajem**. Ukupan budžet za ovu donaciju je iznosio 5.000,00 Eura, a sredstva su obezbjeđena od strane Distrikta 1910. Pomoć u vidu namještaja uručena je najugroženijim porodicama u Maglaju i Olovu (10 porodica), a donacija je uključila krevete sa spužvom i kuhinjske elemente.



### **Opremanje bolnica u Konjicu i Livnu sa medicinskom opremom**

U toku je realizacija projekta opremanja Opće bolnice u Konjicu sa digitalnim ultrazvučnim aparatom i Županijske bolnice DR. FRA MIHOVIL SUČIĆ u Livnu sa porođajnim krevetom i CTG aparatom za blizance. Projekat se ralizuje sa RC Korneuburg koji je obezbjedio sredstva u visini od 64.053 USD



### **Projekat „Bridge to Bosnia“ – pomoć dječijoj hirurgiji KC Sarajevo i operacije srca od strane tima hirurga dr. Wolloneka**

Projekat dječije hirurgije u Sarajevu (operacije dječijeg srca od strane tima hirurga dr. Wolloneka) se planira realizovati u okviru „Bridge to Bosnia“ u saradnji RC Sarajevo sa RC Perchtoldsdorf i RC Nürnberg-Fürth sa buždetomkoji uključuje i donaciju Rotary Internationala od 150.000 Eura.

### **Pomoć Udruženju građana oboljelih od cerebralne dječije paralize i distrofije u Goraždu**

Projekat se realizuje u suradnji RC Sarajevo sa Distrikom 1950 iz Njemačke uz inicijativu RC Gera. Projekat u Goraždu je planiran od 2014. do 2016. godine. Ukupna vrijednost projekta je 114.076,00 USD.

U ovoj godini Udruženju u Goraždu su dostavljena sredstva u visini od 15.646 KM, sa kojima se adaptira radionica za osobe sa posebnim potrebama. Svečano otvorenje i prijem je organizovan 19.10.2014. u Goraždu, gdje se očekuje prisustvo koordinatora projekta Bernarda Kooba iz Distrikta 1950 Geera iz Njemačke, predstavnika RC Sarajevo i drugih uvaženih zvanica.

Pored adaptacije radionice je izvršena dodjela automobila (Golf 6) prilagođenog osobama sa posebnim potrebama.



Cilj projekta je obnova radionice za kreativni rad osoba sa posebnim potrebama, njihovu edukaciju i zapošljavanje, a kroz proizvodnju specijalnih dječijih igračaka od drveta, suvenira i sličnih proizvoda. Sa osposobljavanjem ovih osoba bi se obezbjedila njihova egzistencija i afirmacija u lokalnoj zajednici.

Rotary Club Sarajevo razmatra dalje mogućnosti pomoći u plasmanu i prodaji njihovih rukotvorina, odnosno otkup proizvoda koji bi se koristili kao pokloni i suveniri, a preko raznih prodajnih kanala (tržišni centri, institucije za predškolski odgoj djece i slično).



Na osnovu planskih aktivnosti Rotary kluba Sarajevo, dana 19.10.2014. godine realizovana je posjeta Udruženju za cerebralnu paralizu u Goraždu i radni sastanak sa predstavnicima Distrikta 1950 Gera (Njemačka): g. Bernard Koob, Thomas Wiegand, Udruženja: Mirsada Ćulov, Kemal Hodžić i Općine Goražde, sa ciljem dalje pomoci u realizaciji Projekta. Ovom prilikom je prezentirana adaptirana radionica, kao i dalji planovi opremanja sa mašinama za proizvodnju predmeta od drveta namjenjenih za edukaciju i igru djece.



### **Projekat stipendiranja izvrsnih učenika srednjih škola i studenata fakulteta u Kantonu Sarajevo**

RC Sarajevo nastavlja sa tradicijom dodjele stipendija učenicima i studentima za izvrsnost. Ove godine je planirano dodjeliti deset stipendija za deset izvrsnih srednjoškolaca u Kantonu Sarajevo. Ukupan budžet iznosi oko 10.000,00 KM. Partnerske škole ove godine su: Četvrta gimnazija Ilidža, Građevinsko-geodetska škola, Elektrotehnička škola za energetiku, Srednja muzička škola i Prva gimnazija Sarajevo. Rok za okončanje aplikacije je bio 26. septembar, a

početkom oktobra 2014. godine je okončana proceduraza imenovanje stipendista za ovu školsku godinu. Takođe planirane su i dvije stipendije za izvrsne studente (elektrotehnika, arhitektura / likovna umjetnost), a njihova nominacija će biti završena do kraja oktobra.

### **Obilježavanje godišnjice 85 godina od osnivanja i 15 godina od obnavljanja RC Sarajevo**

Ove godine se navršava 85 godina od osnivanja i 15 godina od obnavljanja RC Sarajevo i tom prilikom je planirano nekoliko aktivnosti i manifestacija kojim se žele obilježiti ovi značajni jubileji. Planirana je izrada brošure, a potom i izdavanja monografije RC Sarajevo, svečano obilježavanje jubileja sa konferencijom za štampu (03.12.2014.), prigodan program u okviru donatorskog koncerta (04.12.2014.), te promocija rada kluba putem raznih medija.

### **Izrada monografije/brošure povodom 85/15 godina RC Sarajevo**

Povodom jubileja od prvog osnivanja (1930.) i obnove (1999.) Rotary kluba Sarajevo 85/15 godina u toku je priprema publikacije u kojoj će se klub predstaviti sa svojim aktivnostima. Takođe, u publikaciji će se predstaviti utemeljitelji prvog i obnovljenog kluba, svi aktivni članovi, kao i svi projekti pripremani samostalno ili u saradnji s brojnim prijateljima i Rotary zajednicom širom svijeta. Predstaviće se Rotary zajednica u BiH, kao i Rotary District 1910, a ovim povodom se očekuje i obraćanje Guvernera Distrikta uz prigodnu poruku.

### **Organizovanje donatorskog koncerta za fond stipendiranja izvrsnih studenata**

Koncert za izvrsnost, u organizaciji RC Sarajevo, je prilika da se obiljezi 85 god. od osnivanja prvog Rotary kluba u BiH, te 15 god od revitalizacije i ponovnog okupljanja kluba nakon rata. Cilj koncerta je da se prikupe sredstva za stipendiranje talentiranih učenika i studenata.

Donacija po pozivnici iznosi 50 KM, pri čemu ukupni iznos ide u fond za stipendije. Namjera kluba je da se iz fonda prikupljenog na ovaj način stipendira 20 učenika i studenata u narednoj školskoj godini (u iznosu 100 KM za učenike i 200 KM za studente mjesečno).

Koncert će se održati 04.12.2014. u Domu Oružanih snaga BiH, sa početkom u 19 sati, a pozivnice su upućene članovima RC Sarajevo, RC Sarajevo Delta International, predstavnicima prijateljskih klubova u zemlji i regiji, predstavnicima Distrikta 1910, te drugim prijateljima RC Sarajevo. Takođe se očekuje prisustvo Guvernera Distrikta 1910.

Na koncertu će se predstaviti Božo Vrečo i grupa Halka, koji izvode obrade BH sevdalinki na nov i savremen način.

### **Aktivnosti na osnivanju novih Rotary klubova (Zenica, Livno, Konjic)**

RC Sarajevo kontinuirano poduzima aktivnosti na osnivanju novih klubova u gradovima koji nemaju svoje klubove, kao što su Zenica, Goražde, Livno i Konjic. U ovom smislu je iz Zenice prihvaćena i prva aplikacija za učlanjenje u Rotary klub Sarajevo, a uskoro se očekuje i apliciranje više uglednih građana iz Zenice, kao i snažnija promocija rotarijanstva u tom gradu.




## Rad sa mladima i servisi za mlade

RC Sarajevo aktivno radi na promociji rotarijantva među mladima i okupljanju mladih kroz aktivnosti razmjene mladih, stipendiranja izvrsnih učenika i radu sa Interact i Rotaract klubovima.

U okviru servisa za mlade do danas je realizovano 23 dugoročne izlazne razmjene (u USA, Austriju i Njemačku), 10 kratkoročnih izlaznih razmjena (kampovi, RYLA seminari, Rotary Peace Fellowships, Partners and Peace), te 9 dugoročnih ulaznih razmjena (iz USA, Austrije i Kanade), odnosno sveukupno 42 razmjene mladih.

## Charter-ovanje IAC Sarajevo

Interact klub Sarajevo je osnovan 3. decembra 2013, a zvanično "charterovan" 29.08.2014. Povodom „charterovanja“ klub je pod pokroviteljstvom Rotary kluba Sarajevo organizovao kratku razmjenu (posjetu) članova kluba sa Interact klubom Tanzenberg (RC Klagenfurt). Program razmjene počinje posjetom klubu IAC Tanzenberg članova iz Sarajeva koja traje 8 dana (od 01. – 08.08.2014.), a nastavlja se uzvratnom posjetom članova IC Tanzenberg koja traje od 23.-30.2014. Ovom prilikom su klubovi IAC Sarajevo i IAC Tanzenberg posjetili JU Zavod za specijalno obrazovanje I odgoj djece Mjedenica u Sarajevu i uručili donaciju u tehničkoj opremi i pomagalima za edukaciju djece sa posebnim potrebama.



## Rotary česma u Sarajevu

Rotary klub u Sarajevu je pokrenuo projekat izgradnje Rotary česme u Sarajevu za koju je u cjelosti obezbjedio sredstva. U ovu svrhu je već pripremljen projekat i od općinske administracije je dobijena načelna saglasnost za njenu izgradnju. Ovo je već druga česma koju RC Sarajevo

poklanja svom voljenom gradu i biće locirana unutar kompleksa Medicinskog i Stomatološkog fakulteta u Općini Centar. Završetak gradnje se očekuje do kraja godine.

